

Comun General de Fascia

Boletin 2024 n. 1 – Suplement a La Usc di Ladins nr. 25, dai 28 de jugn del 2024

Comun General de Fascia–Str. di Pré de gejia 2–38036 Sèn Jan/S. Giovanni di Fassa
tel. 0462.764500 · fax 0462.763046 · www.comungeneraldefascia.tn.it
Coordenament: Lucia Gross, Layout: Veronika Insam

IR



Servijes e Ofizies

Canzelaria e secretariat

Telefon segreteria: 0462 764500 int. 1

Fax per duc i ofizies: 0462 763046

e-mail: segreteria@cfg.tn.it

Pec per duc i ofizies: pec.cfg@pec.

comungeneraldefascia.tn.it

Contabilità, Finanza e Personal

tel int.: 6 Ragioneria; int. 7 Personal

e-mail: ragioneria@cfg.tn.it;

personale@cfg.tn.it

Afares Generèi, Servijes informatics e

informatives e Assistenza Scolastica

Tel.: 0462 764500 int. 2

e-mail: affari.generali@cfg.tn.it

Igiene urbana e ambientèla

Tel.: 0462 764500 int. 5

e-mail: ambiente@cfg.tn.it

Servijes linguistics e culturèi

Tel.: 0462 764500 int. 4

e-mail: cultura@cfg.tn.it

Servijes sozio-assistenzièi

Tel.: 0462 764297

e-mail: sociale@cfg.tn.it

Servijes tecnics frabica e urbanistica

Tel.: 0462 764500 int. 3

e-mail: tecnico@cfg.tn.it

Portel informatif PAT

Tel.: 0462 763505

e-mail: mariano.rasom@provincia.tn.it

L Consei de procura

Giuseppe Detomas–Procurador:

afares generèi e istituzionèi; personal;
e-mail: procurador@cfg.tn.it

Riccardo Donei

Bilanz; gestions sozièdes; turism;
comerz

riccardo.donei@cfg.tn.it

Giorgio Dorich

Traspòrc; troes; coord. politiches
sport

giorgio.dorich@cfg.tn.it

Mirella Florian

Sozièl; derit al studie; volontariat; 1^
cèsia

mirella.florian@cfg.tn.it

Carlo Ganz

urbanistica; lurieres publics;
patrimonie;

carlo.ganz@cfg.tn.it

Martina Pederiva

Ambient; ecologia; gestion refudam

martina.pederiva@cfg.tn.it

Amedeo Valentini

Inovazion; cultura; polit. lengaz e
joegn

amedeo.valentini@cfg.tn.it

Boletin 2024 n. 1 – Suplement a La Usc di Ladins nr. 25, dai 28 de jugn del 2024

Comun General de Fascia–Str. di Pré de gejia 2–38036 Sèn Jan/S. Giovanni di Fassa
tel. 0462.764500 · fax 0462.763046 · www.comungeneraldefascia.tn.it
Coordenament: Lucia Gross, Layout: Veronika Insam

La endesfides per l davegnir

Cognon vardèr de ge fér front a na situazion che muda e troèr respostes neves: ogneun cogn fér sia pèrt

Stimé sentadins,

I scomenz de la sajon da d'istà pel esser l'ocajion per fér vèlch reflescion sun noscia val, sun sie model de turism, su la gestion del teritorie, sul trafich, su la calità de la vita di sentadins, su la possibilità per nesc joegn de pissèr a n davegnir zenza cogner se n jir dal paisc olache i é cresciu.

Do la pandemia da Covid aon vedù se svilupar n mudament general de la vida de viver, de le spetadive, de la percezion del mond e del davegnir. E l é sorì l veder: l setor turistich, che tira duta noscia economia, l seghita a crescer, tant per numer de prejenzes che per l calandèr che se slongia. Se dut chest pel esser vedù positivament desche na oportunità de svilup, no se pel desmentièr che ogne mudament pel portèr de bona ocasions demò se l vegn goernà delvers e se se à chières dedant ence i risesc che l é a lascèr jir la robes do sia strèda, zenza stèr ascorc e tel besegn ge meter man. I problemes leé a la neva tendenzes e ai

mudamenc en cors te la sozietà, te Fascia i é ben chières. Chel che sauta sobito ai eies l é la situazion de la infrastrutures, che no les respon ai besegnes de na val olache vijitadores e ghesç i é semper de più. Bèsta piissèr al zicle de l'èga: tant la rees per aer èga bona da bever che cheles per desgorjer l'èga paza no les é assà, o no les é te condizions adatèdes. Aon problemes de coleamenc, con la rei de la strèdes che per meisç é embocèdes, coi percorsc per la rodes che i moscia si limic amò dant de vegnir porté a compiment. Dapò l é etres problemes, che fosc se veit de mano ma che no i é manco pesoches e i fèsc cruièr, desche la destinazion di refudames che vegg desgort.

A fér cruièr amò de più, ajache l problem revèrda diretamenter i joegn e donca l davegnir de noscia Comunanza, l é la dificoltà a troèr na cèsia per chi che volessa viver te Fascia e i cogn fér i conc con na perferida condizionèda dal marcià turistich.

Ma no l é demò l overtourism a creèr i problemes: la dificoltà generèla de troèr personal spezialisà doventa amò più pesoca te la periferies, ence te cheles più riches, e l efet l é l piorament di servijes te la valèdes, soraldut chi sanitèrs e sozio-assistensièi. Te chest cajo l dan l é soraldut per i più deboi.

L chèder no l é sorì, ma descheche dijedant, ogne situazion neva porta ence opportunità. Per jir encontra al davegnir se cogn ge fér front a la endesfides, con spirit costrutif e mingol de coraje e de anticonformism, ajache la situazions neves no se pel les resslover con la rezetes veies. Ma soraldut con la consaputa de esser na Comunanza che à na sia storia e na gran voa de vareèr l davegnir.

Ogneun de nos, te chesta endesfida l é chiamà a fér sia pèrt.

Giuseppe Detomas
Procurador del Comun General de Fascia



Te sia sentèda de la fin de jené l Consei General à aproà na mozion per l'istituzion de na comunità energetica.

L empegn del Comun General per l'energia sostegnibola

L Consei General à aproà na mozion proponeta dal Grop consiliar de maoranza "Cordanza" per l'istituzion de na comunità energetica

N vèreh segnificatif envers la sostegniboltà ambientala e la sensibilisazion de la comunanza l é stat fat a la fin de jené del 2024, canche l Consei General del Comun General de Fascia l é aproà na mozion del Grop consiliar "Cordanza" che empegnia l Consei de Procura a portèr inant l'istituzion de na comunità energetica te Fascia.

Chesta scomenzadiva à l obietif de spenjer per la creazion de realtèdes de autoconsum coletif e de comunità energetiches renovaboles, per tor ite sentadins, enc publics e firmes picoles e granes de imprenditores del teritorie.

La mozion é peèda via da la consaputa che i mudamenc climatics e l piorament del ambient l é manaces semper più pesoches. De gra a l'adozion de la legislazion de l'Union Europea sul clima, en particolèr la Diretiva su la promozion de la energies renovaboles, e a l'autra mesures de smendrament di empêdimenc burocratici per meter en doura impianc de energia renovabola a livel nazional, l é doventà possibol meter su realtèdes de autoconsum coletif e comunitàs energetiches renovaboles, che te la Tèlia les é disciplinèdes dal decret

legislatif dai 8 de november 2021, nr 199. Chesta realtèdes ge permet a sentadins e firmes de condivider virtualmenter l'energia eletrica che vegg dai impianc che produsc energia da fontènes renovaboles, e les deida a durèr l'energia a na vida più percacent e sostegnibola. L'energia vegg mesurèda travers n bilanz energetich, zenza l besegn de na conescion diretta anter produtor e consumador. I incentives perveit anter l auter na tarifa de € 10/MWh e etres rebasc per l cost de l'energia de autoproduzion e auautoconsum de la comunità energetica.

La mozion empegnia l Procurador e l Consei de Procura a portèr inant scomenzadives per

slarièr fora la cultura del sparagn energetich e de la sostegniboltà, con la creazion de portie informatives per didèr i sentadins te la realisazion de realtèdes energetiches coletives.

Apède chest vegg proponet de desfrutèr i frabicac publics, desche per ejempi la scoles, per meter su impianc fotovoltaics: l'energia che vegg da chisc servissa per i besegnes de la medema strutures e chela che vanza podessa veggir convididuda coi comembres de la comunità.

Aldò de chest ai 21 de mé l Comun General de Fascia à endrezzà na pruma scontrèda de informazion averta a duc i sentadins.

La creazion de comunità energetiches renovaboles la podarà didèr no demò a smendrè la emissons che entesseia l ambient, ma ence a combater la ciarestia energetica.

La mozion, peèda via da "Cordanza" e aproèda da duc i Gropes consiliaries del Comun General de Fascia, desmostra na sensiboltà bipartisan e l empegn fort envers la sostegniboltà ambientala e l'innovazion energetica.

Francesco Gabrielli
Capogrop del Grop consiliar "Cordanza"



Francesco Gabrielli

Care fasciane e cari fascegn,

I éjà passà sie meisc dal ultim boletin che l'amministrazion del Comun General de Fascia vel far ruar, doi oute al an, te dute le ciase de la val de grazia a La Usc di Ladins, per dar cont de chel che aon fat per l ben de noscia comunanza.

I setores de mia competenza che me é stat dat su con delega del Procurador al scomenz del mandat amministratif 1 é le Politiche soziale e l'Derit al studie.

L prum tol ite l Servije Sozio Assistenzial che se ouc a duc i sentadins de Fascia e l à desche obietif la promozion del benstar de ogneun e de duta la comunanza, con na atenzion per le condizion de dificoltà per problemes de familia, economics, soziali o de relazion.

Da la enrescida "Anteveder", che à servì per meter ju l "Piano Sociale di comunità", l è vegnù fora che la jent che se troa te na situazion de besegn la fasc fadia a domanar



aiut percheche la se tegn de mal, la 1 coscidra n segn de deboleza e, n muie de oute, la rua al Servije Sozio Assistenzial canche la situazion la é dalbon senestra.

Se oujer al Servije Sozio Assistenzial pel far la desferenza

Domanar aiut no l é na deboleza, alincontra dijese piutost che la voa de crear per noi chel che dejidron, chel che ne fasc star ben, ne deida a schivar i problemes.

Podon l veder adertura desché n at de coraje, ajache a chesta vida recognoscion nesc limic e tel medemo temp azeton l ruol de chi che pel dalbon ne didar a vegnir fora da na situazion de dificoltà: te n muie de caji se oujer al Servije Sozio Assistenzial pel dalbon far la desferenza.

Donca l apel che me sente de ge far a la

jent de Fascia 1 é: "se aede de besegn, no assà tema de domanar aiut!" Aon la fortuna de aer sun nosc teritorie n servije sozial percacent, che laora dalves, olache podon troar persone responsabile, enjignade, empathic, solidale, che respeta duc e ogneun, coluna che sie soa condizion.

Te cheste piate recordon valch una anter dute le scomenzadive che é state metude a jir dal Servije Sozio Assistenzial col obietif de miorar l benstar de dute le persone e de la comunanza.

A chi che volessa saer valch de più su chel che é scrit ge palese mia disponibilità a despiegar miec.

De bie saluc a duc e n gran braciocol.

Bon istà!

Mirella Florian
Conseiera de Procura del Comun General de Fascia

La Dì internazionala de le malaties rare



La scontrada lo da la Villa Mozart a Cianacei con la conseiera de procura al sozièl Mirella Florian.

Per la Dì internazionala de le malaties rare che vegn recordada ai 29 de firé, l é stat endrezà na scontrada te la sala grana de la Scola Ladina de Fascia coi intervenc de Monica Mazzuccato del Coordenament malaties rare del Venet, de Paolo Salerno del "Centro Nazionale dell'Istituto Superiore di Sanità", de Stefania Dantone

Presidenta de la "Associazione SCN2A Italia Famiglie in Rete" e de Rosanna Verra de la "Associazione GFB Onlus".

Te chesta ocasion l é entervegnù, con soe reflescion, ence i studente e le studente de la terza clas de le Scole mesane de Ciampedel, Sèn Jan e Moena.

Semper per le malaties rare ai 2 de marz lo da la Villa Mozart a Cianacei l é stat na scontrada con la partecipazion de l'assessora del Comun de Cianacei Doris Fosco, de Stefania Dantone, Mara Felicetti del Coordenament Malaties Rare de l'Azienda Sanitaria de Trent, Rosanna Verra, Daniela Zanon presidenta de la

Sociazion Bambi e Biju Vadagnini de la Coprativa soziala Spazio Tempo, che l à sotlineà l'importanza de la musega desché strument de riabilitazion.

N devalpai va ai relatores, a la Scola Ladina, a la Scola de musega "Il Pentagramma" e a la Coprativa Oltre.

"LUM EMPEÈDES SU LA MALATIES RÈRES"

MALATTIE RARE
L Servije Sozièl
del Comun General de Fascia
dessema co la
Conseiera de Procura Mirella Florian
e i assoreadores de Comuns
enciarièr al sozièl
co la collaborazion de
la Scola Ladina de Fascia
e
l'Azienda Provienzièla per i Servizes Sanitèrs
porta dant la scomenzadiva

**"LUM EMPEÈDES SU LA MALATIES RÈRES"
"RIFLETTTO-ri sulle MALATTIE RARE"**

Tol pèrt:
 • Mirella Florian, conseiera de Procura enciarerà al sozièl del Comun General de Fascia;
 • Monica Mazzuccato, dotora referenta per l Coordenament Malaties Rères de la Region Venet;
 • Dozenz e studente de la class terze de le scoles mesane de la Scola Ladina di Fascia;
 • Stefania Dantone, genitora e presidente de la Sociazion SCN2A Italia Famiglie in Rete;
 • Rosanna Verra (online), Sociazion GFB onlus

Endera la scontrada la Scola de Musega de Fiem e Foscia "il Pentagramma" la farà vèch sonèda e tulinima vegnora sport n marendel engnija de la Coprativa Oltre, ent a cef del Projet TRAME

**En sabeda ai 2 de mèrte del 2024
da les 3 domesdi**
Iò dal Garni Villa Moza
Strada Roma, 27
ta Cianacei

**En jebia ai 29 de firé del 2024
da mesa les 3 domesdi**
te Sala Grana de la Sorastanza de la Scola Ladina de Fascia

PROGRAM

Duta la comunanza la é envièda de cher

Didon la enrescida scientifica

Semper per le malaties rare, da pech l é peà via te le filiale de la Cassa Rurala na regoeta de boneman per didar la enrescida scientifica metuda a jir dal Servije Sozio Assistenzial e da la Crousc Checena de Fascia e Fiem: na scomenzadiva che fasc part di projec per sensibilizar noscia comunanza.

Le malaties rare cognosciude le é zirca 7.000-8.000 ma chisc numeres i é do a se smaorar de gra a la enrescida scientifica e soraldut a la enrescida genetica. L é malaties per chele che vegn registrà no più che 5 caji vigni 10.000 persone. L é n problem sanitari important: te la Taliá l é zirca 2 miliogn de caji e vigni an n vegn metù al luster zirca 19.000 neves, te l'Europa i é zirca 30 miliogn.

Per desgrazia 1 90% de le malaties rare no le à amò na terapia aproada, chest vel dir

che n muie de malé no pel se curar. Col smaorar en general la consapevoleza e la cognoscenza de le malaties rare anter la comunanza, se pel didar la comunità scientifica a ruar a obietives emportanc, desche chel de ge arsegurar na cura a duc i malé.

Chesta boneman le servirà apontin per didar la enrescida scientifica e più avisa l "Dipartimento di Biologia Cellulare, Computazionale ed Integrata" (CIBIO) de l'Università de Trent che, sot la direzion del prof. Paolo Macchi, l podarà troar fora neve terapie de prezijion.

Vegn aprijà vigni contribut che ogneun podarà donar, ence la più picola donazion pel far la desferenza. Se vigni sentadin e sentadina de Fascia i didassa ence demò con 1 euro, te val se podessa binar su amancol 9.898 euro che servissa per didar

la enrescida scientifica a far la desferenza.

Vegn envia doncia duc i sentadins e dute le sentadine a jir aló da n portel de la Cassa Rurala per dar sie didament, aldò de sia possiblità, per la enrescida scientifica de le malaties rare.

Chest sarà n bel segn per desmostrar la sensibilità e la solidarietà de noscia comunanza. L cont de chesta regoeta l é de la Crousc Checena, IBAN IT30 T 08140 35780 000002058997, e la caujala da meter l é Raccolta Malaties Rare. Per didar la enrescida scientifica aon de besegn de duc: più sion e più en prescia ruaron al obietif. Developai dant fora!

BONAMANS per la

1 euro o più!

ENRESIDA SCIENTIFICA DE LA MALATIES RÈRES

sibieste ence TU protagonist

TE DIDARÈS I Dipartimento de Biologia Cellulare, Computazionale ed Integrata (CIBIO) de l'Università de Trent per troer fora neva terapies de prezijion per salvèr la vita de chi che à na malatia rara.

IBAN FPB - CASSA DI FASSA PRIMIERO E BELLUNO:
C.C.N. IBAN IT30 T 08140 35780 000002058997

SUL CONT CORENT DE LA:
CROCE ROSSA ITALIANA COMITATO VAL DI FASSA E FIEMME

CAUJALA:
RACCOLTA MALATIES RARE

Per na sozietà che muda

L Servije Sozio Assistenzial à volù ge sporrer n aiut ence ai genitores che ogne di i cogn se cruziar de crescer i fies te la maniera miora che l é possibol per i far doventar de bravi sentadins. Per chest l é stat metù a jir, te la sala grana del Comun General de Fascia, la scomenzadiva "Scontrèdes de confront – Per na sozietà che muda" per didar le familie, te chesta sozietà che segħiha a mudar, olache no l é segur sorì far i genitores e i educatores. L é stat n percors de ceter scontrade. Te le prume doi, dal titol "Fies senestres e genitores no perfec" con la psicologa Francesca Manfredi de Padoa l é stat metù al luster l'importanza del ruol del genitor te l'educazion di fies, tel ben e tel mal, portan i genitores a pissar a colun model educatif che i porta inant e a esser bogn de veder miec i besegnes di fies per troar responete che posse ge arsegurar n svilup psicologich armonich. Te la terza scontrada dal titol "Sion te n moment rie" l psicologh de l'Azienda

di Servijs Sanitaires Salvatore Massaro e Margherita Oss Emer del Servije de Alcologia i à rejonà de le forme de dejaje vivude dai joegn, alidanché e soraldut do l Covid, che le pel portar a depressione e a dependenza da alcol e droghe. Te la ultima scontrada "Sion do a vegnir gregn" Federica Scarian, responsabola del Zenter per l lurier de Fascia, l'à rejonà de la dificoltà di joegn de ruar e se far ite tel mond del lurier, ajache de spes i à spetadive desferente respet a chel che ge vegn domanà. Te chesta scontrada l é entervegnù ence i imprenditores Daniele Dezulian e Claudio Bernard. En ultima l é stat la restituzion publica de Mattia Valentini e Daniele Chiocchetti sui resultac de "Way Point", projet sul orientament finanzià dal Servije Sozio Assistenzial con la colaborazion de la Coprativa Inout. Ades chisc doi joegn i laora a n projet sul volontariat semper volù e finanzià dal Servije Sozio Assistenzial.

**L Servije Sozio-assistenzial
del Comun General de Fascia
endrexa na lingua de**

Scontrèdes de confront

PER NA, SOZIETÀ CHE MUDA



per iscrizioni a la scontrada online e per de autre informazion se oujer a l'Unità Organisativa di Servijs Sozio-assistenziali del Comun General de Fascia
Strada di Pré de gejja, 2
38036 Sén Jan / S. Giovanni di Fassa (TN)
0462 - 764 297 | sociale@cgf.tn.it

en vendor ai
19
de oril del 2024
SALA GRANA del COMUN GENERAL DE FASCIA
da les 20.30
FIES SENESTRES E GENITORES NO PERFEC
Che se passel i genitores?
La pèrt che à la familia e la relazions che muda endēna la joeneza.
Co vivei chet moment i genitores?
rejona la dotor **Francesca Manfredi**, psicologa, psicoterapeuta e psicoanalista

en martesc ai
23
de oril del 2024
SCONTRADA ONLINE: se ensinjuer per ciapè l link
da les 20.30
FIES SENESTRES E GENITORES NO PERFEC - pt.2
La crisa de la joeneza desche temp de evoluzion, i elemenc de risch e de protezion, i smaoramant de la formes de dejaje.
rejona la dotor **Francesca Manfredi**, psicologa, psicoterapeuta e psicoanalista

en jebia ai
16
de mé del 2024
SALA GRANA del COMUN GENERAL DE FASCIA
da les 20.30
SION TE N MOMENT RIE
Chisc momenc ries per i joegn i porta tel medemo temp formes de dejaje desche baticher, tricos, depressione e dependenze.
Che se pelet pa fèr?
rejona i dotor **Salvatore Massaro**, psicologh de l'Azienda Provinziale per i Servijs Sanitaires e la dotor **Margherita Oss Emer**, referanta per l Servije de Alcologia, Zenter Antifum e autra situazions scherpettes per Fiem e Fascia

en mercol ai
22
de mé del 2024
SALA GRANA del COMUN GENERAL DE FASCIA
da les 20.30
SION DO A VEGNIR GREGN
I joegn se fèsc ite tel mond del lurier anter chel che i se speta e chel che ge vegn domanà.
Co se conjobiel chisc doi aspec?
rejona la dotor **Federica Scarian**, responsabola del Zenter per l Lurier de Fascia tol pèrt imprenditores del post e i joegn de Waypoint

L Chino sozial

N'autra scomenzadiva che à abù n bon ejit chesta aisciuda e che vardaron de endrezar amò con de autres film chest uton l é stat la rassegna "Ciaak Social Cinema", n projet sozial che é stat fat per la jent de Fascia. N muie de oute se sent dir che vegn fat dut en funzion del turism e donca per i għesċi, e no se fasc nia per la jent che vif te Fascia, che do aer lurà l à derit de se pussar ma ence de aer zechi de valuta per sia crescimonia culturala e soziala. La jent de Fascia à apprijià chesta scomenzadiva deschē n moment ledēch ma tel medemo temp gustegol olache se à podū se troar anter de nos a far zechi de bel e de utol deschē veder n film.

Chesta scomenzadiva la é leada al lurier che vegn fat sul Desch de le dependenze, metù

su dal Servije Sozial aldò de chel che 1 é vegnù fora da la enresida "Anteveder" sui besegnes de noscia jent. Da chesta enresida l é vegnù fora che te anter i joegn, e no demò, te noscia val l é n consum fora de mesura de alcol e de droghe. N problem che soscedea cruzies, te anter le istituzion ma ence te la maor part de noscia jent. Crese che deschē amministradores aon l doer de se cruziar, ma soraldut de far zechi a na vida de ge far entener a nesc joegn che se pel se goder te desvalive maniere zenza aer debesegn de sostanzie che le fasc mal e le straouc ence la personalità de vigni. Pisso donca che veder n bel film podesse esser na bona alternativa ence per chest problem.

CIAAK social CINEMA
GEI TE CHINO
Lascete tor ice dal spas e da la cognoscenza

C'E' ANCORA DOMANI
REGIA DI PAOLA CORTELESSI
Argomenti: I lesser femena, la violenza, la familia, la Costituzion Talieni

IO CAPITANO
REGIA DI MATTEO GARRONE
Argomenti: I drama di enfugħ, la stories de la jent, la enresida de la fortuna

PERFECT DAYS
REGIA DI WIM WENDERS
Argomenti: la contentza per la picola cosse, la vod te troṛi l equilibru te nos, i contrasti anter i mond de la natura e chel enjignà dal om

KILLERS OF THE FLOWER MOON
REGIA DI MARTIN SCORSESE
Argomenti: la gaġiha del dominie, la barbaria e la supremazia del om bianchi sora i natives de l'America

UN COLPO DI FORTUNA
REGIA DI WOODY ALLEN
Argomenti: I cajo, la coindizendenze de la vita, i equilibrii de la cobia

L CHINO, N POST PER SE BINÈR E SPARTIR DESSEMA L TEMP
Projet SOZIÈL E CULTURÈL
Per GE DÈR VITA AL TERRITORIE

COST DEL BILLET
EURO 5

**CHINO TEATER MARMOLADA
CIANACEI - STRÉDA ROMA 38
INFO@CINEMACANAZEI.IT**

L Desch de le dependenze

Per cerir de troar resposte utele al problem de le dependenze l é stat ence metù su la rei "Ensema per nesc fies – Insieme per i nostri figli" con l obiettiv de ge dar n sostegn ai genitores de chi joegn che beif o che se droga. Fin ades demò trei genitores à tout part. Mingol pec, vedù l problem che l é. Chi che ades volessa tor part i pel se oujer al Servije Sozial.

De autre scomenzadive del Desch de le dependenze l é stat: la scontrada col psicologh dotor Salvatore Massaro del Projet de didament psicologich sostegnù da l'APSS e out ai joegn fin ai 24 egn e a soe familie; la scontrada coi gestores di locai che tegn avert de not e le Forze del orden; l report de la psicologa Martina Volcan su le situazion che vegn portade dant al Portel de scout "Dependenzes e no demò" finanzià dal Comun General de Fascia.

L Desch de le dependenze à tout en considirazion ence l'importanza che à l sport te l'educazion di joegn, e per chest l à metù a jir ai 25 de jugn con l'Unione Italiana

Sport per Tutti (U.I.S.P) la scontrada "Picoi sportives vegn gregn" envian dantdaldut le sozietà sportive con si alenadores ma ence genitores, educatores e duta la comunanza a scutar i reladiores Beatrice Agostini de UISP e Andrea Gabbiani, psicologh del sport.

Chesta scontrada é stata endrezada tel cader de le scomenzadive del Projet #Fuoricentro: na comunanza che educa, de chel che l Comun General de Fascia fass part ensema con autres territories del Trentin, con l obiettiv de pissar, ensema coi alenadores e duc i "gregn" che à n ruol educatif, al sport deschē na oportunità de crescita personala e armonica.

Descheche se pel veder le é dalbon n muie le scomenzadive che l Servije Sozio Assistenzial met a jir per ge far front al problem de le dependenze, che purampò resta amò n problem sconet a cauja de l'omertà e de la dificoltà de se oujer a le istituzion o ai organismes che l'amministratzion publica met a la leta de la comunanza apontin per chest.

Demò travers na partezipazion attiva di sentadins se sarà bogn de venjer la batalia contra chesta piaa soziala, acioche nesc

**SERVIEJE DE DIDAMENT
DEPENDENZES E NO DEMÒ**

NO ESTE PIU BON DE FER CONDEMANCO D'CHELA SOSTANZA O D'CHEL COMPORTAMENT?

ESTE N AMICH CON N DEJJE? NO SESTE CO L DIDER FORA?

ESTE N FI CHE PASSA MASSA TEMP ONLINE? NO SESTE CO FER?

A SAN GIOVANNI DI FASSA - SEN JAN
AVERT A DUC E DEBANT

CHIAMENE ITE AL NUMER 370 300 42 96
OSCRIVENA A SPORTELLO.LERAIS@GMAIL.COM

#FUORI CENTRO
PICOI SPORTIVES VEGN GREGN
EN MĒRTESC AI 25 DE JUGN DA LES 20:30
SALA DE CONSEI – COMUN GENERAL DE FASCIA
SAN GIOVANNI DI FASSA – SEN JAN

LA SCONTRADA LA È PER ARKADORES, COLABORADORES, SORASTĀNC, ENSEGNAN CI GINASTICA E GENITORES.

Il progetto è stato selezionato dalla "Confindustria" dal Consiglio del Fondo per le opere di istruzione e formazione professionale perché può dare un contributo alla crescita della società.

Relatori:
Beatrice Agostini - UISP Trentino
Andrea Gabbiani - Psicologh del sport

joegn no i rue ite te situazion che, apede che danejar soa sanità, le pel ge roinar la vita ence a livel de relazion soziale.

#FUORI CENTRO
PICOI SPORTIVES VEGN GREGN
EN MĒRTESC AI 25 DE JUGN DA LES 20:30
SALA DE CONSEI – COMUN GENERAL DE FASCIA
SAN GIOVANNI DI FASSA – SEN JAN

LA SCONTRADA LA È PER ARKADORES, COLABORADORES, SORASTĀNC, ENSEGNAN CI GINASTICA E GENITORES.

Il progetto è stato selezionato dalla "Confindustria" dal Consiglio del Fondo per le opere di istruzione e formazione professionale perché può dare un contributo alla crescita della società.

Relatori:
Beatrice Agostini - UISP Trentino
Andrea Gabbiani - Psicologh del sport

LA SCONTRADA LA È PER ARKADORES, COLABORADORES, SORASTĀNC, ENSEGNAN CI GINASTICA E GENITORES.

Il progetto è stato selezionato dalla "Confindustria" dal Consiglio del Fondo per le opere di istruzione e formazione professionale perché può dare un contributo alla crescita della società.

Relatori:
Beatrice Agostini - UISP Trentino
Andrea Gabbiani - Psicologh del sport

L Desch de la solidarietà e “Spazio Argento”

Con l Desch de la solidarietà, de gra a le sociazion che de chest le fasc part, donca Bambi, Crousc Checena, Lions, La Voce delle Donne, Fassa Solidale e l medemo Comun General, aon podù didar valch familia che é do a viver n moment senester.

Spazio Argento l é la neva formula de endrez del Servije Sozio Assistenzial che se ouc a le persone che à più che 65 egn. Con chest l é stat portà inant desvalive scomenzadive che fasc part del “Piano Triennale per lo sviluppo di una Comunità Amica delle Persone con Demenza”.

Anter cheste l é stat metù a jir na sera de informazion su le “Disposizioni Anticipate di Trattamento” (D.A.T.) con la relazion de la dr.a Pagni, spezialista te le Cure Paliative; l concert “La Conties de la Musega” ensema con la Scuola de Musega “Il Pentagramma” de Fascia e Fiem e la Sociazion Rencureme e la prejentazion del liber “L’Alzheimer in casa” de la psicologa Paola Taufer, esperta di problemes de la jent de età.

Via per chest istà, sul tegnir del Comun de Sèn Jan, vegnarà logà valch banca realisada da la Coprativa soziala Oltre, per didar le



Mirella Florian, l'autora Paola Taufer e Cipriana Tomaselli de Spazio Argento a la prejentazion del liber “L’Alzheimer in casa”.

N develpai a la eles scritores

Ai 8 de mèrz, te la Dì internazionèla dedichèda a la eles, l Comun General de Fascia à envià la eles scritores de Fascia per ge dèr merit per sie contribut sozièl e culturèl.

L event é stata endrezà adum dai Servijes

persones de età o che stenta mingol a jir a pe e ge dar l met de jir a spas e se goder la natura troan desvalives ponc per poder se fermar, se sentar ju e se pussar.



Scomenzadiva portada dant tel cheler del Plan de trei egn del Comun General de Fascia per i svilup de la Comunità Amica de la Demenze

https://www.provincia.tn.it/Argomenti/Fiocchetto/Spazio-Argento

per informazion se oujer al Comun General de Fascia - Spazio Argento

0462 764 297

sociale@cgf.tn.it

Comun General de Fascia

Provincia Autonoma di Trento

Autonomie Lokale per i Servizi Locali

ASL 10

Aisciuda Ladina 2024



L'Aisciuda Ladina é stata averta co la cianties del Coro Nosc. I bec de la scolines à endrezà de bie lurieres su la toponomastica e i ge à portà dant sia descorides a Bertol.

Gé ve voi ben... inomes de mia tera

Ence chest an, descheche sozèt encomai dal 2009, l'Comun General de Fascia, en collaborazion co la Scola ladina, l'Union di Ladins e l'Istitut Cultural Ladin "Majon di Faschein", i à metù a jir l'Aisciuda Ladina, festa del lengaz e de l'identità.

Chest an en particolèr l'Aisciuda Ladina se à slarià fora sun de più setemènes, e con chesta bela neva duta la val e duta la comunanza les à podù esser protagonistes de chest event tant spetà, dai bec più picoi enschin a la jent grana e a chi più de età.

L'argoment de chesta edizion l'è stat chel de la **toponomastica ladina**, per cognoscer e recordèr i inomes de nosc raion, testamonesc veiores de storia e comunanza. Ti inomes de lech se scon memories e stories, recorc de chi che à vivù te chesta tera.

Via per de oril e de mé l'è stat endrezà sacotanta scomenzadives outes a due, per ge dèr l'met a duta la jent de descorir endodanef

e durèr i inomes ladins di lesc de Fascia e per recordèr e renforzèr l'leam col teritorie che à sia reijes tel passà.

L'program l'è stat zis rich e con na feruscola lingia de evenc: raides, laboratories, prezentazion de libres e scontrèdes.

L'Aisciuda la è peèda via de mèrz con n cors de formazion su la toponomastica, metù a jir da la Scola Ladina de Fascia co la collaborazion di Servijes Linguistics e Culturèi del Comun General de Fascia e del Istitut Cultural Ladin. La formazion la è stata pissèda per didèr i ensegnanc a lurèr fora unitèdes didatiche sui inomes de lech de Fascia e a chesta vida compagnèr i scolees e i studenc a la descorida de lengaz, storia e cultura.

Ence i bec de la scolines à enjignà de bie lurieres su la toponomastica di païjes e i ge à portà dant con gran gust sia descorides a Bertol, che pèrto sia l'ge à donà na gustegola

capa da la pèla con su l'simbol de l'Aisciuda Ladina, col invit a jir a spas fora per paisc a cognoscer i lesc e sie inomes.

L'program l'è jit inant con scontrèdes culturèles, raides e spazirèdes, che les è states endrezèdes – col didament del bon temp – te beleche duc i païjes de la val, con na bela adejon de jent e gran gaissa da man di partecipanc e ence di menatrees.

La toponomastica l'è un gran melaur per saer zeché de più en cont de nosc lengaz. I inomes di lesc l'è na fontèna de paroles veies e veiores che da spes no se cognosc niente più. Avisa ti inomes de lech l'è conservà n grumon de paroles che va endò enfin te la preistoria e che à reijes prelatines, desche per ejempie chela paroles che descrif carateristiche del teritorie: crepa, ròa, boa, troi, pèla, èlba, roisc e coscita inant.

Inomes da tegnir su e da passèr inant per cognoscer amò miec nosc raion e nosc lengaz e recordèr che jà acà passa doimile

egn zachei à scomenzà a stèr te noscia val e à volù ge dèr n inom.

La toponomastica no l'è na "scienza esatta", ampò la pel ne didèr a entener la rejons che à menà nesc aves a ge dèr chi inomes che duron amò anchecondì per i lesc olache stajon: inomes che à viajà tras i secoi e i è rué enfin chiò da nos.



Na aisciuda rica de raides de cultura e toponomastica



La pruma raida à portà i partecipanc sun Ciaslir de Vich.

Per l'edizion 2024 de l'Aisciuda Ladina, festival del lengaz e de l'identità, desche argoment l'è stat cernù fora la toponomastica ladina.

Gé ve voi ben... Inomes de mia tera

chest l'è stat l'dit che l'à compagnà la scomenzadives che l'Comun General de Fascia, la Scola ladina, l'Union di Ladins e l'Istitut Cultural Ladin "Majon di Faschein", i à metù a jir per l'Aisciuda Ladina de chest an.

I inomes de nosc teritorie, per cognoscer, recordèr e saer zeché de più de chel che l'è tedò. Ogne lech con so inom l'è na sort de testamonech de storia e de la vita de la comunanza; l'è per chesta rejons che l'Ofize per i Servijes Linguistics e Culturèi del Comun Gneral l'è metù a jir desvaliva scontrèdes culturèles e desvaliva raides. La pruma de chesches la è stata tegnuda ai 10 de oril tel comun de Sèn Jan olache l'stòrich Cesare Bernard e l'menatrees Damiano Lorenz, col s'emprevale de n power point, i à portà dant n muie de toponimes che i à a che fèr col Col de Tzela e coi lesc entorn l'Ciaslir con aldò ence desvalives elemenc de gran enteres dal pont de veduda storich e de gran valuta per duta la comunanza de Fascia.

La sabeda dò l'è stat fat la raida e coscita chi che i à podù tor pèrt i à ence podù veder e se fèr n'idea dal vif de dut chel che l'era stat dit



Tel chèder de l'Aisciuda Ladina l'è stat endrezà cater raides te desvalives lesc de la val.

L'è stat rejònà del tormen Vaia, de coche l'è dessatà l'bosch te chel raion e de coche ence la besties salvères les à mudà stil de vita. Ades, per ejempie, capita de veder i cerves ence via per l'di e te lesc olache no se i aea mai vedui dant. Apede l'è stat rejònà ence del louf, de coche l'è à fat ite en prescià te noscia val e de coche l'è do a condizionèr la vita de la besties salvères, ma ence del om, sibie per chi che no se fida più tant jir tel bosch, sibie ence e soraldut per chi che laora da bacan, che i veit l'bestiam semper en pericol per via de ches predator. Se cogn dir che dute cheste raide les

à vedù semper na bona partecipazion de la jent, duc chi che i à tout pèrt i' è stac n muie contenc, l'è nasciù neva amicizes e duc i à palesà sia sodesfazion e contentenza per aer podù veder e emparèr zeché da nef de noscia val. Da na man i toponimes sessaben, ma ence aspec leé a la natura e a la storia locala. Na sodesfazion vegnuda fora più outes e jà da più man ge è stat domanà al Ofize Linguistich del CGF de meter a jir amò de chesta sort de scomenzadives. Chest belimpont a desmostrazion che chesta atividèdes a l'averta, con apede storia e cultura, les à dassen piajù.



Per vigni raida l'è stat endrezà e dat fora n volantin informatif.

“Carnascèr fascian”: n documentèr per recordèr la tradizions

Zacan e anchecondì del temp più aiegher del an



Ai 17 de jané de chest an, da Sènt Antone cò se deslea Carnascèr, i Servijes linguistics e culturèi del Comun General de Fascia à dat fora n nef documentèr che porta dant l temp più mat del an: da color, scialèdes e matitèdes.

Jai egn, l medemo Ofize, l aea metù ensemà doi documentères “Sèn Nicolò – 1 Sènt di bec” e “Pècsa Tofènia”, coscita, per jir inant col recordèr e tegnir su i apuntamenc più speté del an, chest'outa se à prejentà l Carnascèr fascian con sia mèscres, mascherèdes e rimes.

L é stat portà dant la Gran Mèscres: l Laché zevil e elegant, l Bufon feruscol, ascort e ladin con sia rima pizochentes, e i Marascons, la “vaces” semper en cobia, che sauta sona e fadia i no fesc.

Co la intervistes de Paolo Verra Pilon, Stefen dell'Antonio Monech e Martina Debertol del Grop de la Mèscres de Dèlba e Penia e Mario Rasom de Ida da Ciampedel, e i filmac che tol ite duta Fascia, se à volù fèr n

viac da Sènt Antone fin a en Mèrtesc gras. L Laché avec 1 Carnascèr “Domane de poder ite te chest ciastel o palaz che sie, con

duta mia bela e gran compagnia” e coscita, dessema col Bufon e coi Marascons, i envia la jent a tor pèrt a mascherèda.



No l'era demò la mascherèda, ma se jia, e zachei va amò, ence fora per la cèses o i hotie a fèr matitèdes – fèr l bufon deschede se disc – , desche “L bal del barbier”. Da no desmentièr “L molin de la veies” e sie segnificat.

Passà Jebia Grassa e la defilèdes, la sera de Mèrtesc gras, l é amò l Laché che sera su 1 Carnascèr “Domane perdonanza per noscia misera segura, l ciapel a voetres e l vadagn a nos etres, a n'autra più bela!” e se fesc n gran fech, o ence più che un, per brujèr dut chel che resta de chest temp, e fèr acioche stroz no sie più legreza. Dintorn al fech la jent sona i bronsins e la fesc ac. Somea la fin del mondo... a la reversa. L'indoman l é Mercol Ciapuin. Chest documentèr, e ence i etres, i è a la leta sul canal Youtube Tv ladina – playlist “documentères”. Te pes veder l documentèr “Carnascèr fascian” al QRcode chiò sora. Met n like se l te sà bel!

“Entener e se fèr entener”: n codejel per rencurèr n ort a na vida ecocompatibola



Ence chest'asciuda l'Ofize di Servijes linguistics e culturèi del Comun General de Fascia l é vegnù fora con sia picola publicazion de la lingia “Enter e se fèr entener”. Do i codejie “Codejel de bona creanza per jir sa mont”, “L bosch e i cinch

sensc” e “Codejel de bona creanza per respetèr l ambient”, scric da Loreta Florian, Annarita Lollo e Angela Pederiva, l é stat portà dant “N codejel per rencurèr n ort a na vida ecocompatibola”.

Co l'asciuda vegn l'ora de meter fora

fiores sui barcons e, sessaben, de sbadilèr l ort e semenèr. Apontin per chest, la quarta edizion de la colana scrita te cater lengac (ladin, talian, ingleis e todesch) la trata de co enjignèr e co rencurèr n ort con sistemes naturèi e zenza tessesc.

L codejel l é stat pissà soraldut per principianc, ajache se pel troèr informazions de basa per peèr via con chesta aktività, aboncont l è vèlch curiosità che podessa servir ence ai più espèrc, per ejempie dotei rezetes per se fèr enstesc bosemes contra i insec, vèlch tatica per ge fèr do a la natura e aer n regoi ciatarul, ma ence vèlch consei per no dezipèr ressorses e per fèr manco sfadious l lurier te ort.

“N codejel per rencurèr n ort a na vida ecocompatibola”, scrit da Sabrina Riz e lurà fora da Giuditta Soraperra per la pèrt grafica, l é stat portà dant en jebia ai 13 de jugn te Ciasa de la Monaria. Endèna la scontrèda i espèrc del setor Sara Desilvestro, Matteo Gross e Sebastian Ghetta, i à portà dant sie intervent, per contèr de sia esperienzes e sia vides de coltivèr, desvalives una da l'autra, che aboncont les spartesc dessema l respet per l ambient e les perveit tecniche biologiches.

Coltivèr fiores, erbes da medejina, saores e ortames porta sacotenc benefitizes, dantdaldut per l ambient e per l ecosistem, ma ence per la persona. Defat l é desmostrà che chesta aktività, se fata amancol doi ores en setemèna la deida a slontanèr pensieres negatives, tricola e stress e no l é debesegn de aer metres e metres de ort, l é assà aer vèlch vajol sun barcon. Apontin per scomenzèr via chesta bona pratega e endrezèr n picol ort sun barcon, en mèrtesc ai 18 de jugn l Ofize di Servijes linguistics e culturèi del Comun General de Fascia, dessema con Matteo Gross, l à endrezà l laboratorie “**L ort te vajol!**” Te chesta ocasion Matteo l à dat consèrs pratics a duc chi che à tout pèrt, da co semenèr a co rencurèr la piante, tant cheles da ort che cheles da cèsa. N laboratorie gustegol che à dat l met de emparèr robes neves e de se baratèr esperienzes.

L nef codejel de la colana “Entener e se fèr entener”, “N codejel per rencurèr n ort a na vida ecocompatibola” l vegn dat fora debant e se pel l troèr te la boteighe di fiores de Fascia opuramente dessema a duta la autra edizions alò dal Ofize di Servijes linguistics e culturèi del Comun General de Fascia, te Ciasa de la Monaria a Sèn Jan.

N laboratorie per cognoscer l Picol Prinz

Gei te biblioteca e tol pèrt a n laboratorie con jeghes per cognoscer l Picol Prinz: chest l é l envit che ge è stat fat d'asciuda ai bec de la populères de Fascia. Dut chest l é stat possibol aldò del bel projet basà sul liber “L Picol Prinz” scrit da Antoine de Saint-Exupéry, peà via del 2021 co la collaborazion anter la sociazion Antermoia e la Musega Auta Fascia che à pissà de tor ca dotei toc per talian de chesta storia e se à out al Ofize Linguistich del CGF per i traslatèr per ladin. Do, apede ai tesç, i à volù meter ence la museghes de compagnament e, da Nadèl del 2021, sun paladina i à portà dant n bel spetacol che à metù adum i tesç e la sonèdes. Chest, aboncont, no l é pa l ejit finèl...

Da chest projet, de novembre del 2023 l é vegnù fora n belot liber che à ite i toc del Picol Prinz scric per talian e per ladin, con apede i desegnes originèi en bianch e fosch e da color e n QRcode per poder scutèr la contia. Chest liber però no l podea ciapèr polver su la scafes... Belapontin per chest l é nasciù na colaborazion per centa anter l Ofize Linguistich e la sociazion Inout, che à pissà co ge l portèr dant ai bec a na

vida scempia ma gustegola. Sie messaje l é sensibilisèr sul valor de l'amicizia, del amor, del rencurèr e del bel del spartir zeche coi etres. Donca, via per d'asciuda, do se aer pissà n laboratorie olache i bec fossa stac i protagonisc, l é stat tout contat co la trei biblioteches de Moena, Vich e Cianacei

che bolintiera à dat la lèrga per meter a jir l'atività e per portèr dant chest prodot de gran valuta. A la trei scontrèdes, states ai 3, ai 10 e ai 17 de mé, à tout pèrt n muie de bec che, coi animatores de Inout i à fat n viac tel mond da encant del Picol Prinz e i è doventé ence ic princ e prinzesses.



I bec à fat n viac tel mond da encant del Picol Prinz.

Timpruma i bec i à scutà toc del liber, che do ge è stat donà, e i à enjignà na belota corona personalisèda. Do i se à spartì te gropes e i se à dat ju e godù te la desvaliva ativitèdes pervedutes per l domesdi: te una i à lurà co la fantasia e su na piata biencia del liber i à dessegnà n oget scrit su n papier tirà a la brusca, ma i cognea l dessegnèr sconet tel venter da na biscia, e i etres cognea endoinèr che che l era. Chest l lo aea fat ence l pilot te la contia, che l aea dessegnà n lionfant magnà dal boa, ma duc pissà fosse bele demò l dessegn de n ciapel. Te n'autra aktività enveze i à semenà n fior te n vajol che i bec cognarà rencurèr a cesa, desche la resa preziosa del liber, e te n'autra amò i à encolori n toch de puzzle che do i se à baratà per encolorir l'autra pèrt. Per serèr su ches domesdi de spas l é stat enjignà n marendel e i animatores, desche recort, ge à dat ai bec l diplom de prinz e prinzessa.

Developai a la biblioteches de Fascia, a la sociazion Antermoia, a la Musega Auta Fascia, a Inout e a chi che con gaissa se à dat ju per la realisazion de chest projet.

Ladin, n lengaz da amèr

Nosc lengaz conta ence de te: recorda, rencura, rejona!

Ai 21 de firé vegn zelebrà te dut l mond la Di internazionèla del Lengaz de la mère, metuda su del 1999 da l'UNESCO per recognoscer e portèr inant la desvalianza linguistica e culturèla e l multilinguism. Chesta dì vel ence stravardèr e fér jerveèr la cognoscenze e la cultures tradizionèles tras na sozietà multilinguala.

Passa 6.000 l é i lengaz rejoné tel mond, e beleche mec de chisc i risia de morir fora. L lengaz l é n element essenzièl te noscia vita: estra che esser nosc meso de comunicazion, l raprejentea chiche sion, da olache vegnon e noscia vida de pissèr.

L Comun General de Fascia vel zelebrèr la Di internazionèla del Lengaz de la mère con na scomenzadiva de sensibilisazion caraterisèda dal slogan "Ladin, n lengaz da amèr", per uzèr fora la beleza e la richeza de chest lengaz, melaur prezios da rencioner e tegnir su, segn e testamonech de la reijes fones che lea passà e davegnir.

Per slarièr fora chest message l é stat tout su, te curc filmac, pensieres e testimonianzes de

gent de Fascia de desferenta generazions:

Pelegrin



Chiocchetti Pelin da Pécé, Martina Debertol da Cianacei, Manuela Rossi del Baila da Soraga, Massimo Riz e Herald Zorzi Krampus da Poza, demò per n dir dotei. Ge é stat metù apede citazions più o manco cognosciudes sul argoment, coscita da sotrièr l conzet e soscedèr n pensier critich. Chisc filmac i é stac dac fora sul canal Youtube Tv ladina, sui social del Comun General de Fascia, su la desferenta televijions del FassaCoop e coprativas de Fascia e sui maxischermes di Comuns fora per i pajies. Amò apede i Servijes linguistics e culturèi del Comun General de Fascia i à envia duc chi che à piajer a slarièr fora chisc filmac e a tor pèrt al projet con sie pensieres, scric o filmac.

L projet l va inant an per an con neva scomenzadives.

"Dut pel mudèr, ma no l lengaz che aon daite"

I filmac i é a la leta sun Youtube: vèrda l QRcode chiò sora!



Rassegna de teater 2024

L é endò temp de ge lascèr lèrga e ge fèr festa ai gropes de teater de Fascia che se dèsc ju per endeletèr la seres de sia jent.

Belapontin, l Ofize di Servijes Linguistics e Culturèi del Comun general de Fascia, l é do a se enjignèr per endrezèr la 3a edizion de la Rassegna de teater, che vegnarà metù a jir via per chest uton 2024 e che tolrà ite apontin duc i gropes de teater de Fascia. La pruma scontrèda per portèr dant l projet de la Rassegna 2024 la é stata endrezèda de jené, col Assessor de Procura Amedeo Valentini, la responsabola del ofize di servijes linguistics e culturèi Evelyn Bortolotti, i "Amisc del Teater" de Moena, "I Bontemponi" de Sèn Jan, la "Sociazion Antermoia" de Mazzin, "La Mizacoies" de Ciampedel e l "Grop de la Mèscres" de Dèlba e Penia. L é stat na sera olache i gropes se à metù a la leta con gaissa, gust e na gran voa de colaborazion, per enjignèr n utor gustegol, feruscol e de spas per duta la jent.

Na ocasion chesta, che met al luster l gran lurier, la gaissa e l gust, che à sacotenc volontèrs per l teater e che i vel spartir con duc. L teater l é n'èrt che ne deida a veder l mond da n pont de veduda desferent de chel che aon, l é n biteboi de situazions e emozions, che pel fèr grignèr ma ence che deida a fèr pissèr, l é n strument dassen emportant che pel orir la ment, sensibilisèr la jent e soraldut l fèsc bon a duc e l doventa ence n strument de gran valuta per passèr n lengaz. L teater l é semper stat n meso percacent per didèr la cultura, la storia e la identità e mascimamente per i lengaz de mendranza, l doventa n strument potent per sia valorisazion e conservazion. Tras l teater, la storia e la tradizions de chesta comunanzes, les pel vegnir metudes dant a n publich più gran, se pel engaissèr e descedèr fora la doura de n lengaz manco sparpagnà. La pruma endesida per l teater l é chela

apontin de mantegnir l fèr sciantif e la richeza de la espresions tradizionèles e les mescedèr co la dinamiche del fèr de anchecondì e donca tor ite paroles neves. A chesta vida l lengaz de mendranza, estra

2024, seghita a sofièr l vent che fèsc sirèr La Risola



La politiches per i joegn metudes a jir dal Pian per i Joegn de Raion "La Risola" les se met dant de ge sporjer a duc i joegn de Fascia sacotanta ocasions desvalives de formazion e de aggregazion tel segn de la valianza, ma ence de portèr dant anter i joegn la "zitadinanza ativa", schendir la inclujion sozièla, la solidarietà e la partezipazion a la vita de la comunanza e de la sociazions.

Con chesta gaissa i amministradores che se cruzia de politiches per i joegn te Fascia à dezidù de ge dèr n nef sbunf al Pian per i Joegn de Raion, slarian fora più che l é meso l avis per la realisazion de projec per l an 2024. Estra che con n video promozionèl, l avis l é stat portà dant anter la sociazions culturèles, sozièles e sportives del territorie e de gra a chest lurier l é stat manà ite adertura 6 projec che i vegnarà metui a jir chest an.

Se trata de ocasions e oportunitèdes sportes

ai joegn anter i 11 e i 35 egn che i podàr fer perpeèr sia capacitèdes, cognoscer e se dèr ju te atividèdes neves e curiose, fèr grop e creèr relazions estra che tor pèrt a la vita de la sociazions che l é l cher de nosc teritorie e che à scialdi de besegn de tor ite jent neva.

Fotografia, corsc de musega e de video making, artejanat e cultura dal post, sport, festa e corsc de agricoltura. Chisc l é i argomènc che à portà dant per l an 2024 i projetis de La Risola, aktivitèdes sostegnudes e finanzièdes dal Assessorat a la Politiches per i Joegn del Comun General de Fascia, co la consaputa che ge dèr lèrga ai joegn l é na atività fondamentèla, che sparpagna valores positives de joament per duta la comunanza.

*Conseier de procura politiches per i Joegn
Amedeo Valentini*

Referent Tecнич Organisatif... che él pa?

Per l fèr jir inant delvers, l Pian per i Joegn de Raion à de besegn de n Manager Teritorièl, che l se cruzia de sacotenc aspec de endrez e burocratics e ensema col Referent Istituzionèl del Ent, che fossa l Assessor a la Politiches per i Joegn, l coordenea e l enjignia i lurieres del Pian. A chest Manager Teritorièl ge vegn dit apontin Referent Tecнич Organisatif! Per poder aer azes a la selezion per tor su la enceria, che la vegn metuda a jir vigni 3 egn, ge vel aer requisic spezifics e aer na formazion aldò.

Duc i enteressé pel se oujer al Comun General per aer informazions de utol en cont de chest. L RTO per i egn che vegn te podesses esser tu!



I referenc di gropes de teater de la val con l conseier de procura Amedeo Valentini.

Concors per la projetazion de la neva senta del Comun General de Fascia

L Comun General de Fascia à metù fora tras l Consorzie di Comuns Trentins, che fesc da ent banditor, n concors per la projetazion te doi fases per la realisazion de la neva senta del Comun General de Fascia con la restrukturazion de la ex caserma Vittorio Veneto a Sèn Jan.

La pruma fasa à vedù con gran piajer la partezipazion de 110 concorenc su la piataforma Concorrimi del Orden di architec de Milan a testamonech del gran enteres per la sort de projet. La proponetes cognea ruèr ite dant dai 29 de mé da les 16:00.

La Comision del concors de projetazion à selezionà la 5 mior proponetes projetuëles da ameter te la seconda fasa col ejaminèr per ogneuna la documentazion perveduda dal bando: na relazion tecnic-illustrativa e n elaborat grafich. La cernuda de la cinch proponetes é stata fata aldò di criteries de valutazion del bando. Ogneuna, desferenta per tipologia e forma, é stata selezionèda aldò de:

- 1) sie svilup projetuèl coerent aldò di besegnes de carater funzionèl, sozièl e formèl de l'opera e percheche les à garantì n inseriment armonich tel ambient dintornvia;
- 2) sia capacità de esser architetura che vel dir esser bones de mudèr n spazie te n lech travers la relazions no demò anter personnes ma ence con la formes e i materièi;
- 3) la reinterpretazion di carateres morfologics, de costruzion e tecnologics de l'architetura tradizionèla fascèna che ge à dat vita a na neva identità e parbuda per la realisazion de chest nef fabricat;
- 4) la enrescida de la calità architetonica travers l'analisa del arvejinement logich e artistich per chel che vèrda la cernudes formales travers la composizion di volumes e di spazies e l'agregazion di elemenc



La ex caserma Vittorio Veneto a Sèn Jan olache vègnarà fat la neva senta del Comun General de Fascia.

architetonics e per la enrescida de soluzions che à integrà la funzion con la forma;

5) la scelta de la mior definizion de la proponeta a na vida da descriver l sens logich di coleamenc tant daite che defora, apede a la flessiboltà con i besegnes del comitent;

6) la proponeta che à interpretà miec la definizion di percorsc daite e defora;

7) l'idea projetuèla che à selezionà miec i materièi più adaté che met dant ence na storia, n impat ambientèl, considrazions

estetiches e concez inovatives;

8) la calità de la proponetes per chel che vèrda la sostegnibilità travers la selezion de materièi, strategies projetuëles e soluzions de impianc con chela de fèr su tel respet del ambient e garantir l bonstèr de la personnes.

Te la seconda fasa enveze la valutazion di cinch projec vègnarà fata aldò de criteries che va da la calità architetonica-urbanistica, l endrez di spazies, la calità del sistem de costruzion e di impianc ence vardan a la

sostegnibilità ambientèla. La Comision cognarà valutèr a na vida ascorra la proponetes ence tras n confront anter duta cantes per premièr (e dapò realisèr) 1 frabicat più coerent coi criteries del bando. L venjidòr del concors ciaparà n pest per l'elaborazion del PFTE de 146.959,10 euro (zenza IVA e ogne auter agravie de lege). I concorenc che se classifica dal secondo al quinto post i ciapa n rembors de speises de 6.560,67 euro (zenza IVA e ogne auter agravie de lege).

N pest per nesc studenc

Ai 30 de mé del 2024 l Consei de Procura à metù fora l'edizion del 2024 del concors "N pest per nesc studenc", aldò

del regolament aproà dal Consei General del 2019.

Chest pest vel premièr studenc che se à laureà o à ciapà l dotorat con na tesi che revèrda l'economia, la cultura, l'enrescida, la sciensa e la tecnologia con referiment al teritorie e a la comunanza de Fascia.

Vegan metù a la leta doi premies, del valor

de 500 euro ogneum, per i studenc che à fat la tesi de laurea de trei egn, doi premies del valor de 1000 euro vigniun per tesi de laurea magistrèla e un pest de 1000 euro per na tesi de dotorat.

I studenc che vel tor pèrt al concors i cogn aer fenì l cors de studie e ciapà l titol academich tel an 2023 e i cogn esser enciasé te Fascia.

La domana cogn ruèr ite dant dai 30 de aost del 2024 dal mesdi.

L avis, ensema col formulèr de enschinazion, l é a la leta su la piata istituzionèla del Comun General de Fascia a chesta direzion:

www.comungeneraldefascia.tn.it

La gestion del refudam

L endrez de na gestion razionèla del sistem de regoeta del refudam te n raion da mont, olache rua adalèrch sacotenc ghesç, no l pel no tegnir en considazion desvaliva sorts de fatores che, per arjonjer i medemi resultac, i comporta fadies vèlch outa più granes e cosé più cères respet a etres raions geografics.

La carateristiches del teritorie les à n peis dintornvia la modalitèdes de la gestion del servije: la neif, la tropa viles, l raion ert, l é elemenc che ge vel tor en considazion endèna la programazion de la gestion. Estra apede l endrez soraldut turistik de duta la val 1 domana na organisazion adatèda per ge fèr front ai momenc de sajons olache la produzion de refudam la é n muie auta.

L model metù a jir te Fascia no vel esser l mior e de segur no l é manco percasent che etres, ma l met dant na soluzion adatèda per sia realità specifika, per chela che l é stat pissà e per chela che l se confèsc a la carateristiches del tempram e turistikhes del raion.

L model aboncont a sie limic desche chel de la mencianza de control del peis che na regoeta "usc a usc" pel dèr. Spartir no l è assà; ge vel meter vèrda a la calità, che purampò no la vegn considerà, vedù che tel refudam che vanza vegn petà ite amò sacotant materièl che se pel amò spartir fora, presciapêch l 40%. Ence la regoeta desferenzièda, soraldut chela de la embaladures lijieres, l'à ite gran

cantità de scoadies falèdes.

Ge vel donca se dèr ju percheche la regoeta del refudam che vanza e la spartijon del refudam la vegne fata a na vida dreta! Donca vegnarà metù a jir n control rigorous del refudam canche vegn svetà i bidons, co la desposizion de no binèr su refudam che no l é pervedù.

I cosc per la desgorta del refudam i depen trop da la calità del refudam, che i è più cères canche chest no l é spartì fora delvers, e i va a pesèr trop su la "boleta" a cèria de la utenzes. Estra apede, vedù ence la situazion de emergenza che l é en esser te la provinzia, podessa sozeder, a na vida ence n muie sorida, che i impianc de desgorta no i azete più l refudam "no adatà" con conseguenze e problemes de gestion per nosc raion da no creer.

I dac del an dintornvia la regoeta desferenzièda i é staboi sora l 70% ma te n curt temp la pianificazion provinziella oblighea i gestores a se arvejinèr più che se pel al 78%. Se chest no se fossa bogn de l arjonjer ge volarà tor dezijons emportantes col programèr n nef sistem de regoeta con modie più de fazion e con n control maor endèna la regoeta del refudam.

Vegan recordà a la utenzes no de cèsa, che se pel potenzièr la dotazion di bidons, col tor pèrt a la regoeta a cèsa e debant de carton

e embaladures lijiers per chela che l é a la leta sia fornimenta (domanèr al portel de Comun).

Vegnarà metù a jir controï più gregn ti zentre de regoeta (CRM) dintornvia la calità del materièl che vegn petà, i limic e soraldut la sort de refudam.

Apontin no pel vegnir petà ti zentre de materièl

da frabica, lascian a valer chel de cèsa, che cogn esser no trop e ogne tant, deschede perveit la lege.

Con chela de didèr i sentadins, i fitacartieres, i albergatores e la aziendes, sul sit www.fassambiente.it se pel troèr e se desciarièr l kit, vardèr fora i calandères per la regoeta di bidons e i oraries di zentre de regoeta.



La conseiera de procura Martina Pederiva e l responsabol del Ofize Igiene Stojan Deville.